

Acta da Xunta de Escola ordinaria do 11 de maio de 2022

Anexos:

- I. Convocatoria de Xunta de Escola do 11/05/2022
- II. Asistentes á Xunta de Escola do 11/05/2022
- III. [Informe da Directora](#)
- IV. Memoria de verificación do Máster Universitario en Xestión Sostible da Auga
- V. Informe de Autoavaliación para a solicitude do Selo EUR-ACE para o Máster Universitario en Enxeñaría de Minas.

Ábrese a sesión ás 13 horas, en segunda convocatoria, na Aula M-211 da Escola de Enxeñaría de Minas e Enerxía, presidida pola Directora, dona Elena Alonso Prieto, e trátanse os seguintes puntos da orde do día:

1. **Aprobación, se procede, da acta da sesión anterior, ordinaria celebrada o mércores, 16 de marzo 2022.**

O borrador da acta achegouse por correo xunto coa convocatoria.

A Xunta de Escola aproba, por asentimento, as actas das devanditas sesións; estas serán publicadas na web do centro, na sección Escola / Ordenación Interna / Xunta de Escola de acceso libre:

<http://minaseenerxia.uvigo.es/gl/escola/ordenacion-interna/xunta-de-escola/>

2. **Informe da Directora**

O informe da Directora recóllese no [Anexo III](#).

3. **Aprobación, se procede, da proposta de memoria de verificación do Máster Universitario en Xestión Sostible da Auga (interuniversitario UDC, USC, UVIGO).**

A Presidenta lembra o histórico do proceso seguido coas titulacións G2030 e en particular coa proposta do Máster Universitario en Xestión Sostible da Auga. Indica que levan traballando no deseño do proxecto formativo desde setembro, tanto en clave interna no

seo da UVIGO como coas persoas representantes das universidades que participan na proposta, UDC e USC.

Sinala os aspectos mais relevantes da proposta:

- Denominación: Máster Universitario en Xestión Sostible da Auga
- Universidades participantes: UDC, USC, UVIGO
- Universidade Coordinadora: UCD
- Carga docente: 90 ECTS (60 ECTS en materias ordinarias e 30 ECTS TFM e PE)

Amosa a estrutura do plan de estudos, que está conformado en 6 módulos e sinala as materias formativas e optativas de cada módulo, a asignación da docencia entre as tres universidades (igual peso da docencia das materias obrigatorias e maior peso da UDC na optatividade). Sinala que a información correspondente as fichas das materias son moito máis breves que a información que figura nas memorias de verificación actuais, cunha breve descrición de contidos e sen información relativa a sistemas de avaliación. Aclara que a extensión e estrutura da memoria de verificación é a recollida no Anexo I do RD 822/2021, que implica unha extensión máis limitada e menos concreción que a establecida no RD 1393/2007.

Engade que agora se inician os procesos correspondentes nas tres universidades co obxectivo de implantar o título no curso 2023/2024.

Fernando García pregunta se será un título asociado ao centro. A Directora responde que, en principio, debería adscribirse ao centro e engade que a proposta que se traslada desde a Escola é que a titulación sexa adscrita ao centro.

A Xunta de Escola aproba a proposta por asentimento.

4. Aprobación, se procede, do Informe de Autoavaliación para a solicitude do Selo EUR-ACE para o Máster Universitario en Enxeñaría de Minas.

A Presidenta explica o obxectivo do punto e a importancia e valor da concesión do Selo EUR-ACE para a titulación. Explica brevemente o proceso de avaliación que ten habilitado ANECA e sinala que un dos documentos que hai que enviar coa solicitude de avaliación é o Informe de Autoavaliación.

Sinala que o Informe de Autoavaliación recolle a seguinte información:

- (i) Datos básicos da Escola de Enxeñaría de Minas e Enerxía e do Máster Universitario en Enxeñaría de Minas, ao obxecto facilitar o contexto do proxecto formativo e a comprensión do Informe de Autoavaliación.
- (ii) Breve descrición do proceso de reflexión realizado para a elaboración do Informe de Autoavaliación.
- (iii) Análise do plan de melloras habilitado para atender as recomendacións recollidas no Informe final de renovación da acreditación da titulación.
- (iv) Valoración do cumprimento das directrices dos criterios 8 e 9, indicando a argumentación que xustifica dita valoración e as evidencias que sustentan a mesma.

A continuación comenta o informe punto por punto e os documentos vinculados, poñendo especial énfase na valoración do cumprimento dos criterios 8 (se os resultados de aprendizaxe do Selo EUR-ACE están integrados no deseño do plan de estudos e se está garantido que todo o alumnado acada ditos resultados) e 9 (Soporte institucional do sistema educativo, apoio institucional, etc.). Señala que o informe é curto pero enlaza a moitas evidencias, tanto as recollidas no SGIC como outras que se recolleron especificamente na elaboración do informe.

Indica que, como consecuencia do proceso de acreditación da titulación en 2018, se declararon unhas accións de mellora novas para dar resposta ás recomendacións recollidas no Informe Final e se sinalaron outras que xa estaban en marcha. No documento Análise das Accións de Mellora recóllese con detalle o estado actual de cada unha delas.

A Presidenta pide que se delegue na dirección a corrección de erros e a incorporación de suxestións que poidan xurdir da revisión técnica que se fai desde a Área de Calidade.

A Xunta de Escola aproba o Informe de Autoavaliación por asentimento, delegando na dirección a redacción definitiva dos documentos e a revisión final da táboa da evidencia E8.1.0.

5. Aprobación, se procede, de documentación relativa ao Plan de Calidade da Escola de Enxeñaría de Minas e Enerxía.

Non hai.

6. Rogos e preguntas.

Non hai.

Non habendo máis asuntos que tratar levántase a sesión ás 13 horas e 36 minutos do día de hoxe, do que como Secretario dou fe en Vigo, a once de maio de dous mil vinte e dous.

Vº e Prace

A Directora

Elena Alonso Prieto

O Secretario

Guillermo García Lomba

ANEXO I

Convocatoria de Xunta de Escola do 11/05/2022

ANEXO II

Asistentes á Xunta de Escola do 11/05/2022

ASISTENTES Á XUNTA DE ESCOLA DO 11/05/2022

Persoal Docente e Investigador

1. Alejano Monge, Leandro
2. Alonso Prieto, Elena
3. Araújo Fernández, María
4. Cabeza Simó, Marta
5. Conde Fontenla, Marcos
6. Deive Herva, Francisco Javier
7. Diez Ferrer, José Bienvenido
8. Domínguez Santiago, Ángeles
9. Eguía Oller, Pablo
10. García Bastante, Fernando
11. García Lomba, Guillermo
12. Giráldez Pérez, Eduardo
13. Liz Marzán, Eduardo
14. Mandado Vázquez, Alfonso Modesto
15. Martínez Sánchez, Joaquín
16. Patiño Vilas, David
17. Pérez Pérez, M^a Carmen
18. Pozo Antonio, José Santiago
19. Rodríguez Rodríguez, Ana María
20. Taboada Castro, Javier
21. Vijande López, Javier

Alumnado

22. Alonso Pérez, Carmen
23. Andrés Herguedas, Laura
24. Casal Barreiro, Alejandro
25. Domínguez Blanco, Santiago
26. Gayoso Mallo, Marcos
27. Parente Artime, Belén

Persoal de Administración e Servizos

28. Romo Pérez, M^a del Carmen

Desculparon a súa ausencia

- Arias Sánchez, Pedro
- Feijoo Lorenzo, Andrés Elías
- Goicoechea Castaño, María Iciar
- Rivas Brea, Teresa
- Vázquez Dorrió, José Benito
- Caride Pérez, Marta María
- Cuñado Juncal, Iago
- Montenegro Vázquez, Iván

ANEXO III

Informe da Directora

ANEXO IV

Memoria de verificación do Máster Universitario en Xestión Sostible da Auga

ANEXO V

Informe de Autoavaliación para a solicitude do
Selo EUR-ACE para o Máster Universitario en
Enxeñaría de Minas